



Planari / Dorezuar Punëtori/Prodato Recipient/Delivered	11.01.2024	4	with good view
Organ / Njësia Organ / Jedinstvo Org / Unit	Hi Prot Hi Prot Prot No	Shtet / s Prisq Appoint	Sasia Kantiteta Quantity
SIKONSHOK 213/2024			1/4



Republika e Kosovës Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.1409/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Malsore Gashi -Bajraktari-kryetare, Arben Mehmeti dhe Ardita Haxhnikaj-Demi-anëtarë, me Ilire Mehmeti-Shaqiri-Zyrtare e Lartë për Bashkëpunim Profesional, në cilësinë e procesmbajtëses, kanë shqyrtuar ankesën me numër A.nr.1409/2023, të datës 14.11.2023, të parashtruar nga ankuesit

Ë cilët me autorizim i përfaqëson ankuesi kundër heshtjes administrative të organit të punësimit, Komuna e Prizrenit, në çështjen juridike "kompensim material", duke vepruar në pajtim me nenin 6 paragrafi 1 nën paragrafi 1.1, nenin 16 paragrafi 3, dhe nenin 18 paragrafi 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, si dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 11.01.2024, mori këtë:

V E N D I M

REFUZOHET si e pabazuar ankesa me numër A.nr.1409/2023 e datës 1409/2023 e parashtruar nga ankueset

A r s y e t i m

Kryetari i Komunës së Prizrenit më datë 21.12.2022 ka nxjerr Vendim me Nr. 335/22 me të cilin ka themeluar Komisionin për Vlerësimin e dëmeve të shkaktuara nga fatkeqësitë natyrore dhe fatkeqësitë e tjera të mëdha në Komunën e Prizrenit, në përbërje: U.D-Kryesuese, A.H-anëtare, F.K-anëtare, S.R-anëtare, J.K-anëtar me mandat 4 vjeçar.

Ankuesi i punësuar sipas Akt Emërimit të datës 24.09.2019 në pozitën Zyrtar për Emergjenca, ankuesi i punësuar sipas Akt Emërimit të datës 04.01.2012 në pozitën "Gjeometër" ankuesi punësuar sipas Akt Emërimit të datës 04.01.2012 në pozitën "Bashkëpunëtor Profesional për Pentari Veshtari dhe Zhvillim Rural", ankuesi i punësuar sipas Akt Emërimit të datës 13.11.2014 në pozitën "Zyrtar për Taksë Komunale për Firmë" si dhe i punësuar sipas Akt Emërimit AE.Nr.01-112-156301 të datës 03.11.2022 në pozitën "Zyrtar

për Infrastruktura", të gjithë të punësuar në Komunën e Prizrenit respektivisht te gjithë pjesë e Komisionit për Vlerësimin e dëmeve te shkaktuara nga fatkeqësitë natyrore dhe fatkeqësitë e tjera të mëdha në Komunën e Prizrenit, ku i njëjti komision gjegjësisht anëtarët e këtij komisioni kanë parashtruar kërkesë lidhur me njohjen e të drejtës për kompensim për funksionin shtesë tek Kryetari i Komunës së Prizrenit, mirëpo që ky i fundit nuk e ka shqyrtuar kërkesën e tyre.

Ankuesit te pakënaqur me mos përgjigjen nga ana e Kryetari i Komunës së Prizrenit me date 14.11.2023 kanë parashtruar ankesë në Këshillin e Pavarur Mbikëqyrës për Shërbim Civil të Kosovës me pretendim ankimor që të ju njihet e drejta e kompensimit për funksionin shtese sipas dispozitave të Rregullores (QRK) Nr.10/2023 për Kompensimin për Funksionin Shtesë.

Këshilli i Pavarur Mbikëqyrës për Shërbimin Civil të Kosovës, bazuar në Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 30.11.2023 ka proceduar kërkesën për përgjigje në ankesë të Komuna e Prizrenit, ndërsa, kjo e fundit, më datë 26.12.2023, ka përcjell shkresat lidhur me çështjen në procedurë të vendosjes.

Sipas kërkesës së anëtarëve të Kolegjit, me datë 28.12.2023 Kryetari i Këshillit ka nxjerrë Vendimin me shifër VK/2023, përmes së cilit ankesës së ankuesve A.nr.1409/2023 të datës 14.11.2023 ia ka vazhduar afatin vendimmarrës edhe për dhjetë (10) ditë pune.

Kolegji për Shqyrtimin dhe Vendosjen e Ankesave ka administruar këto prova: Ankesën me numër protokollit 6971/2023 të datës 14.11.2023 të parashtruar nga ankuesi F.K në Këshillin e Pavarur Mbikëqyrës për Shërbimin Civil të Kosovës; E-mali i datës 09.11.2023 ; Ankesa e datës 14.11.2023 me Nr. 159739 ; Vendimin e datës 21.12.2022 me Nr.335/22; Autorizimin e datës 06.11.2023 nga U.D, A.H, F.K , J.K , A.E ; E-malin e date 26.12.2023 nga F.B me Nr. 1409/2023 ; Përgjigjen ne kërkesën e datës 14.11.2023 me Nr. 6971/2023; E-mali i datës 30.11.2023 ; E-mali i datës 20.06.2023; Vendimi i datës 21.12.2023 me Nr. 355/22; Rregullorja me Nr. 17/2015 për metodologjinë e vlerësimit te dëmeve nga fatkeqësitë natyrore dhe fatkeqësi te tjera ; Akt emërimin e datës 04.01.2022 ; Akt emërimin e datës 13.11.2014 ; Formularin për vlerësimin e punës punuese ; Akt emërimin e datës 04.01.2012 ; Kontrata e punës; Akt emërimin e datës 05.11.2019 ; Përshkrimi i detyrave te punës ; Akt emërimi i datës 03.11.2022 me Nr. 01-122-156301 ; Përshkrimi i detyrave te punës; Vendimi i datës 21.12.2022 me Nr. 355/22 ;E-mali i datës 14.11.2023 me Nr.6971/2023 nga F.K ; E-mali i datës 09.11.2023 ; Ankesa e datës 159739 me datë 14.11.2023.

Kolegji i Këshillit duke u bazuar në vlerësimin e hollësishëm të çdo prove veç e veç dhe të gjitha provave të marra së bashku, si dhe bazuar në rezultatin tërësor të shqyrtimit administrativ, konstatoi së ankesa e ankuesve, **është e pabazuar, sepse:**

Ankuesit në ankesën e parashtruar në Këshillin e Pavarur Mbikëqyrës për Shërbimin Civil të Kosovës, kërkojnë që të ju njihet e drejta e kompensimit për funksionin shtese sipas dispozitave të Rregullores (QRK) Nr.10/2023 për Kompensimin për Funksionin Shtesë, pasi që të njëjtit janë pjesë e Komisionit Komunal për vlerësimin e dëmeve te shkaktuara nga fatkeqësitë natyrore dhe fatkeqësitë e tjera të mëdha të emëruar sipas Vendimit me Nr. 335/22 të Kryetarit të Komunës së Prizrenit.

Në kontekst të shqyrtimit të pretendimeve ankimore të ankueseve, Kolegji i Këshillit iu referuar dispozitave ligjore në fuqi që rregullojnë kompensimin për funksionin shtesë, përkatësisht Kolegji

mori parasysh dispozitat e nenit 38, paragrafi 6, të Ligjit Nr.08/L-196 për Pagat në Sektorin Publik, me të cilat është përcaktuar se: "Kur zyrtaret/ët publik, sipas legjislacionit në fuqi emërohen/caktohen që të shërbejnë në një bord, komision profesional apo organ tjetër publik që kërkon ekspertizë profesionale dhe përbën funksion shtesë për zyrtaren/in, ky/kjo zyrtar/e publik/e ka të drejtën e kompensimit shtesë për këtë funksion. 2. Kompensimi sipas pikës 1. të këtij neni nuk nënkupton detyrat dhe përgjegjësitë që rrjedhin nga pozita të cilën e mban zyrtarja/i publike, përfshirë këtu edhe pjesëmarrjen në komisione dhe/apo organe të tjera të themeluara brenda institucionit. 3. Kompensimi sipas këtij neni bëhet në masën tridhjetë për qind (30%) për kryetaren/in dhe njëzet për qind (20%) për anëtarët/ët, të pagës bazë së zyrtares/it kryesor administrativ të institucionit në të cilën themelohet bordi, komisioni profesional apo organi tjetër publik. 4. Kompensimi i parashikuar në këtë nen, në rastin kur bordi, komisioni profesional apo organi tjetër publik mblidhet së paku një (1) herë në muaj, përfitohet çdo muaj, me kusht pjesëmarrje në mbledhje. 5. Kompensimi i parashikuar në këtë nen, në rastin kur bordi, komisioni profesional apo organi tjetër publik mblidhet më rrallë se një (1) herë në muaj, kompensimi përfitohet për çdo mbledhje, me kusht pjesëmarrje në mbledhje. 6. Qeveria, me propozim të ministrisë përgjegjëse për administratë publike dhe pas pëlqimit nga ministria përgjegjëse për financa, me akt nënligjor miraton kriteret për përfitim të këtij kompensimi. Si dhe dispozitat e Rregullores (QRK) Nr.10/2023 për Kompensimin për Funksionin Shtesë, me theks të veçantë dispozitat e nenit 5, 6, dhe 7, ku përcaktohet se: Neni 5.1. Nëse një zyrtar publik i një autoriteti publik ose organizatë buxhetore, kërkohet që të shërbejë në ndonjë grup, ekip punues, autoritet apo organe të ngjashme ky zyrtar publik nuk ka të drejtë të pranojë, dhe nuk do të pranojë, kurrfarë kompensimi shtesë për këtë shërbim. Shërbimi konsiderohet pjesë e detyrave të obligueshme e zyrtarit të cilin e mban punonjësi, shërbyesi civil ose zyrtari i sipër cekur. 2. Përfshirja në kompensim për funksionin shtesë mund të përfitohet kur plotësohen në mënyrë kumulative kriteret e mëposhtme: 1. themelimi i Komisionit/Bordit parashihet në ligj apo akt nënligjor; 2.2. përfshirja në komision përbën funksion shtesë për zyrtarin publik; 2.3. funksioni nuk bën pjesë tek detyrat e obligueshme të pozitës të cilën zyrtari publik e mbanë; 2.4. përfshirja në Komision kërkon ekspertizë profesionale të cilën zyrtari e posedon; 2.5. komisionet/bordet të cilat kanë kompetenca Vendim-marrëse në procedurë administrative; 2.6. komisioni/bordi nuk themelohet nga institucioni ku zyrtari publik është i punësuar. Neni 6.1.Procedura për miratim të kompensimit Institucioni që themelon Bordin apo Komisionin sipas përcaktimeve të kësaj Rregulloreje, në Vendimin e themelimit parashih të drejtën për kompensim të anëtarëve të Bordit apo Komisionit dhe e përcjell tek Njësia përkatëse për ekzekutim. Neni 7. 1. Vlera e kompensimit 1. Kompensimi sipas këtij neni bëhet në masën tridhjetë për qind (30%) për kryetarin dhe njëzet për qind (20%) për anëtarët, të pagës bazë së zyrtarit kryesor administrativ të institucionit në të cilën themelohet bordi, komisioni profesional apo organi tjetër publik. 2. Kompensimi i parashikuar në këtë nen, në rastin kur bordi, komisioni profesional apo organi tjetër publik mblidhet së paku një (1) herë në muaj, përfitohet çdo muaj, me kusht pjesëmarrje në mbledhje. 3. Kompensimi i parashikuar në këtë nen, në rastin kur bordi, komisioni profesional apo organi tjetër publik mblidhet më rrallë se një (1) herë në muaj, kompensimi përfitohet për çdo mbledhje, me kusht pjesëmarrje në mbledhje."

Rrjedhimisht, në kuptim të kuadrit ligjor, Kolegji i Këshillit ka shqyrtuar pretendimet ankimore të ankuesve lidhur me kompensim të funksionit shtesë, gjegjëshit lidhur me angazhimin e ankueseve në Komisionin Komunal për vlerësimin e dëmeve të shkaktuara nga fatkeqësitë natyrorë dhe fatkeqësitë e tjera të mëdha, dhe konstatoi se pretendimet ankimore të ankuesve janë të paqëndrueshme gjegjësisht pas administrimit të dëshmive të ofruara nga palët rezultojnë se Komisioni Komunal për vlerësimin e dëmeve të shkaktuara nga fatkeqësitë natyrorë dhe fatkeqësitë e tjera të mëdha, është themeluar brenda Komunës së Prizrenit pra në institucionin ku ankuesit janë të punësuar, si rrjedhojë pas këtyre konstatimeve rezultojnë se janë të pabazuara pretendimet ankimore të ankueseve, ngase në rastin konkret nuk janë plotësuar në mënyrë kumulative kërkesat



ligjore për kompensim të funksionit shtesë siç është përcaktuar me nenin 5 paragrafi 2 të Rregullores (QRK) Nr.10/2023 për Kompensimin për Funksionin Shtesë.

Theksuar si me sipër, Kolegji i Këshillit bazuar në nenin 16 paragrafi 3 dhe nenin 18 paragrafi 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës si dhe nenin 132 paragrafi 2 të Ligjit Nr.05/L-031 për Procedurën e Përgjithshme Administrative, vendosi si në dispozitiv të këtij vendimi.

Këshillë juridike: *Vendimi hyn në fuqi në ditën e nënshkrimit nga Kryetari i Kolegjit. Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.*

KËSHILLI I PAVARUR MBIKËQYRËS PËR SHËRBIMIN CIVIL TË KOSOVË
Lënda me numër A.nr.1409/2023

Ilire MEHEMTI-SHAQIRI

Zyrtar i Lartë për Bashkëpunim Profesional

Malsore GASHI-BAJRAKTARI

Kryetare e Kolegjit



Vendimi i dërgohet:

- Ankuesit
- Udhëheqësit të Burimeve Njerëzore në Komunën e Prizrenit dhe
- Arkivit të KPMSHCK-së

